

Na osnovu člana 19. stav (2) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), a u vezi sa članom 232. Zakona o privrednim društvima („Službene novine Federacije BiH“, broj: 81/15), Vlada Federacije Bosne i Hercegovine, na 206. sjednici, održanoj 16.01.2020. godine, donosi

**ODLUKU
O SAZIVANJU ŠEZDESET I PRVE (VANREDNE) SKUPŠTINE DIONIČARA
PRIVREDNOG DRUŠTVA JP ELEKTROPRIVREDA BIH D.D. - SARAJEVO**

I.

Saziva se Šezdeset i prva (vanredna) Skupština dioničara privrednog društva JP Elektroprivreda BiH d.d. - Sarajevo, koja će se održati dana 04.02.2020. godine u Sarajevu, u prostorijama Poslovno - tehničke zgrade JP Elektroprivreda BiH d.d. - Sarajevo, ulica Vilsonovo šetalište 15, sa početkom u 10,00 sati.

II.

Za Skupštinu dioničara iz tačke I. ove odluke predlaže se slijedeći dnevni red:

1. Izbor radnih tijela Skupštine:
 - a) Predsjednika Skupštine,
 - b) dva ovjerivača zapisnika.
2. Donošenje Odluke o razrješenju članova Nadzornog odbora ispred državnog kapitala, radi isteka perioda na koji su imenovani.
3. Donošenje Odluke o izboru i imenovanju članova Nadzornog odbora ispred državnog kapitala.

III.

Zadužuje se sekretar privrednog društva JP Elektroprivreda BiH d.d. - Sarajevo da u skladu sa članom 232. stav (5) Zakona o privrednim društvima („Službene novine Federacije BiH“, broj: 81/15) izvrši utvrđivanje sastava radnih tijela Skupštine, te poduzme i sve druge radnje neophodne za održavanje Skupštine dioničara.

IV.

Zadužuje se privredno društvo JP Elektroprivreda BiH d.d. - Sarajevo da objavi obavještenje o sazivanju vanredne Skupštine dioničara u skladu sa članom 230. Zakona o privrednim društvima („Službene novine Federacije BiH“, broj: 81/15).

V.

Zadužuje se Federalno ministarstvo energije, rudarstva i industrije da o ovoj odluci obavijesti Komisiju za vrijednosne papire Federacije Bosne i Hercegovine.

VI.

Ova odluka stupa na snagu danom donošenja i objavit će se u „Službenim novinama Federacije BiH“.

V. broj: 35 /2020
16.01.2020. godine
Sarajevo



PREMIJER

Fadil Novalić

Broj: 03-02-1076/2019

Sarajevo, 30.12.2019. godine

JP ELEKTROPRIVREDA BiH D.D. – SARAJEVO

NADZORNI ODBOR

**Vilsonovo šetalište 15
71000 Sarajevo**



PREDMET: Zahtjev za sazivanje 61. (vanredne) Skupštine JP "Elektroprivreda BiH" d.d.
– Sarajevo, dostavlja se

Vlada Federacije Bosne i Hercegovine donijela je Odluku o davanju prethodne saglasnosti za razrješenje vršilaca dužnosti članova Nadzornog odbora privrednog društva JP "Elektroprivreda BiH" d.d. – Sarajevo, ispred državnog kapitala, V. broj: 1573/2019 od 27.12.2019. godine i Odluku o davanju prethodne saglasnosti za imenovanje vršilaca dužnosti članova Nadzornog odbora privrednog društva JP "Elektroprivreda BiH" d.d. – Sarajevo, ispred državnog kapitala, V. broj: 1591/2019 od 30.12.2019. godine.

S obzirom na navedeno u skladu sa članom 232. stav (2) Zakona o privrednim društvima ("Službene novine Federacije BiH", broj: 81/15), Vlada Federacije Bosne i Hercegovine u ime ovlaštenog dioničara Federacije Bosne i Hercegovine podnosi Zahtjev za sazivanje skupštine sa Prijedlogom dnevnog reda:

1. Izbor radnih tijela Skupštine Društva:
 - a) Predsjednika,
 - b) zapisničara i dva ovjerivača zapisnika.
2. Donošenje Odluke o razrješenju članova Nadzornog odbora, radi isteka perioda na koji su imenovani.
3. Donošenje Odluke o izboru i imenovanju članova Nadzornog odbora ispred državnog kapitala.

S poštovanjem,



PREMIJER

Fadil Novalić



Na osnovu tačke III Odluke Vlade Federacije BiH o sazivanju Šezdeset i prve (vanredne) Skupštine JP Elektroprivreda BiH d.d. – Sarajevo V broj: 35/2020 od 16.01.2020. godine i člana 65. Statuta JP Elektroprivreda BiH d.d. – Sarajevo broj: SD-5211/16 -38/2. od 29.03.2016. godine i broj: SD - 18295/18 - 51/5. od 19.07.2018. godine, Sekretar Društva dana 17.01.2020. godine, donosi:

ODLUKU
o imenovanju Odbora za glasanje Šezdeset i prve (vanredne) Skupštine Društva

Član 1.

Imenuje se Odbor za glasanje Šezdeset i prve (vanredne) Skupštine Društva u sastavu:

1. mr.sci. Amela Cikotić, dipl.pravnik - predsjednik,
2. Munisa Imamović, dipl.pravnik - član/zamjenik predsjednika,
3. Emina Kreštalica, dipl.el.ing. - član,
4. Admir Kirlić, dipl.el.ing. - zamjenik člana
5. Lejla Mujčinović, dipl.pravnik - zamjenik člana.

Član 2.

Odbor za glasanje sačinjava registar prijava za učešće u radu i odlučivanju na Skupštini Društva, izvještaj o zastupljenosti dionica sa pravom glasa na Skupštini, izvještaj o rezultatima glasanja, te provodi druge aktivnosti propisane zakonom, propisima Komisije za vrijednosne papire Federacije BiH, Statutom i Poslovníkom o radu Skupštine.

Član 3.

Ova Odluka stupa na snagu danom donošenja.

Broj: 10 -1718/20
Sarajevo, 17.01.2020. godine


Sekretar Društva
Goran Milošević
Goran Milošević